



Broj: 01-02- 368/08
Sarajevo, 30. 5.2008.godine

Na osnovu člana 13 Zakona o lokalnoj samoupravi ("Službene novine FBiH broj: 49/06), člana 18. i 97. Statuta općine Novo Sarajevo-prečišćeni tekst ("Službene novine Kantona Sarajevo broj: 12/06), Općinsko vijeće Novo Sarajevo, na 37. sjednici održanoj 30.5. 2008.godine, razmatralo je prijedlog Strategije partnerstva sa građanima općine Novo Sarajevo i donijelo

Z A K L J U Č A K

1. Općinsko vijeće Novo Sarajevo donijelo je Strategiju partnerstva sa građanima općine Novo Sarajevo.

2. O realizaciji ovog plana starat će se načelnik općine Novo Sarajevo.

Dostaviti:

- PREDSJEDAVAJUĆI**
1. Načelnku Općine,
vijeća Novo Sarajevo
2. Dokumentaciji,
Simić
3. Arhivi.-

Općinskog

Nebojša

*Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novo Sarajevo
OPĆINSKO VIJEĆE*



*Bosnia and Herzegovina
Federation of Bosnia and Herzegovina
Sarajevo Canton
City of Sarajevo
Municipality of Novo Sarajevo
MUNICIPALITY MAYOR*

STRATEGIJA

PARTNERSTVA SA GRAĐANIMA OPĆINE NOVO SARAJEVO

Sarajevo, maj 2008.godine

UVOD

Strategija partnerstva sa građanima je dokument koji omogućava institucionalizaciju partnerstva između Općine Novo Sarajevo, kao lokalne vlasti i građana, različitih udruženja građana i mjesnih zajednica općine Novo Sarajevo. Svrha partnerstva je poboljšanje komunikacije i saradnje između Općine i građana kroz saradnju na određenim projektima od interesa za obje partnerske strane.

I Partnerstvo sa građanima

Partnerstvo između Općine Novo Sarajevo i građana (udruženja građana, neformalnih grupa, mjesnih zajednica, pojedinaca, itd.) je njihova međusobna saradnja koja ne mora biti pravno zasnovana (ne mora proisteci iz nekog ugovora), nego saradnja zasnovana na zajedničkim ciljevima i interesima koji se ostvaruju kroz zajedničku realizaciju projekata iz različitih oblasti.

Partnerske aktivnosti zasnivaju se na:

- zajedničkim ciljevima i viziji,
- partneri zajedno daju doprinos realizaciji projekata,
- uključeni partneri dijele odgovornost srazmjerno doprinosima u realizaciji projekata,
- pomoću institucionalizovanih mehanizama realizuje se i ocjenjuje uspješnost partnerstva.

U partnerskim aktivnostima, Općina Novo Sarajevo daje svoj doprinos kroz finansijska sredstva, angažovanje stručnih kadrova, koordinira i kontroliše realizaciju projekta, te odlučuje o pravnoj regulativi. Drugi partner, odnosno građani, svoj doprinos ostvaruju kroz finansijska sredstva, kreativne ideje i volonterski rad.

Glavni cilj partnerstva je intenzivniji razvoj lokalne zajednice i poboljšanje kvaliteta života građana, kroz stalnu komunikaciju i saradnju građana i Općine Novo Sarajevo.

Također, ovom Strategijom Općina Novo Sarajevo ima za cilj, da dosadašnje partnerstvo sa građanima unaprijedi i da ono postane redovna praksa na području općine.

Partnerstvo na području općine Novo Sarajevo manifestovaće se u dva osnovna vida:

- partnerstvo u utvrđivanju standarda u pružanju usluga javnog sektora i
- partnerstvo u sprovođenju općinskih obaveza i zadataka i zajedničkoj odgovornosti uključenih strana (partnera).

Pravni osnov za partnerstvo

Niz zakonskih propisa reguliše načine za ostvarivanje prava građana i njihovo učešće u lokalnoj samoupravi.

Evropska povelja o lokalnoj samoupravi, Zakon o principima lokalne samouprave u Federaciji BiH /“Službene novine Federacije BiH“, broj 49/06/ i Statut Općine Novo Sarajevo-prečišćeni tekst („Službene novine Kantona Sarajevo» broj 12/06), regulišu ostvarivanje prava građana kroz učešće u lokalnoj samoupravi, te u skladu sa njima, načelnik Općine obavezan je na saradnju sa civilnim društvom, odnosno građanima.

Potencijalni partneri

Potencijalni partneri u zajedničkoj implementaciji projekata za ostvarivanje zajedničkog cilja i interesa mogu biti:

- civilno društvo organizovano u nevladine organizacije, udruženja građana, mjesne zajednice, zborove građana, građani pojedinci, itd.
- javni sektor kojeg predstavljaju načelnik Općine, javne ustanove, državne agencije itd.

Prava i obaveze partnera uključenih u partnerske aktivnosti

Ova Strategija partnerstva definiše **prava** partnera, a to su : zajednička identifikacija problema i odabir sfere djelovanja, uvid u raspoloživu dokumentaciju, kontrola rada i utroška planiranih sredstava.

Također, Strategija definiše i **obaveze** partnera, kao što su: zajedničko planiranje, realizacija projekta, praćenje realizacije aktivnosti i preuzimanje odgovornosti u ostvarivanju rezultata.

Strategija partnerstva i veza sa drugim općinskim dokumentima

Statutom Općine Novo Sarajevo, regulisano je učešće građana u lokalnoj samoupravi, odnosno neposredno učešće građana u obavljanju poslova iz nadležnosti Općine, koje se ostvaruju u skladu sa zakonom, Statutom i drugim aktima Općine.

Ova Strategija je povezana i sa usvojenom Strategijom razvoja Općine Novo Sarajevo, koja obuhvata projekte čija realizacija može uključiti partnerski odnos Općine Novo Sarajevo i njenih građana i javnog sektora.

Usvajanjem ovog dokumenta, građanima se pružaju nove mogućnosti da učestvuju u procesu donošenja odluka i zajedničkom ostvarivanju ciljeva i interesa.

II Proces partnerstva

Partnerstvo između građana i Općine Novo Sarajevo ostvaruje se po raznim pitanjima i projektima, a dosadašnje iskustvo govori da je najviše partnerstvo zastupljeno iz oblasti infrastrukturnih projekata.

Strategijom partnerstva nastoji se definisati i formalizovati cijeli proces partnerskog angažovanja (građani – Općina Novo Sarajevo) na projektima iz svih oblasti, a koji doprinose razvoju lokalne zajednice i povećanju kvaliteta života građana na području općine Novo Sarajevo.

Proces partnerskog djelovanja (građani – Općina Novo Sarajevo) podrazumijeva četiri faze:

- 1. Identifikacija problema,**
- 2. Zajednička izrada akcionog plana za rješavanje problema,**
- 3. Implementacija akcionog plana,**
- 4. Zajedničko nadgledanje i ocjena sprovedenog akcionog plana.**

1. IDENTIFIKACIJA PROBLEMA

Prva faza partnerskog djelovanja je identifikovanje problema. Problem se može zajednički identifikovati na više načina, kao na primjer:

- Kroz Program kapitalnih investicija,
- Konsultacije u radnim tijelima koja već postoje u Općini (komisije, radne grupe, radna tijela, savjeti itd.),
- Sastanci koje menadžment Općine Novo Sarajevo održava sa udruženjima građana, nevladinim organizacijama, pojedincima itd.,
- Javne rasprave o dokumentima koje donosi Općina,
- Javne rasprave o raznim pitanjima,
- Istraživanje javnog mnijenja po određenom pitanju, kada građani to pitanje doživljavaju kao problem, te preduzimanje odgovarajućih mjera u skladu sa mišljenjem građana.

Gore navedeni načini identifikacije problema nisu jedini, jer i druge se metode mogu upotrijebiti za identifikaciju problema.

Bez obzira na koji se način identifikovao problem, ova prva faza partnerstva se ogleda u sljedećem:

- postoji zajednička potreba da se riješi identifikovani problem,
- postoji odgovornost partnerskih strana da identifikovani problem definišu kao prioritarniji od ostalih,
- postoji mogućnost konsultacija i kompromisa, koje treba ostvariti prije donošenja konačne odluke.

2. ZAJEDNIČKA IZRADA AKCIONOG PLANA ZA RJEŠAVANJE PROBLEMA

Druga faza partnerskog djelovanja Općine Novo Sarajevo i građana je zajednička izrada akcionog plana za rješavanje identifikovanog problema. Akcioni plan izrađuju partneri, a on podrazumijeva: definisanje aktivnosti, nosioce aktivnosti i određivanje vremenskih rokova realizacije aktivnosti. Akcioni plan može sadržavati i ostale elemente u zavisnosti od vrste projekta. Forma akcionog plana data je u prilogu ove Strategije.

Odstupanja u realizaciji plana moraju biti usaglašena od strane partnera.

3. IMPLEMENTACIJA AKCIONOG PLANA

U sprovođenju akcionog plana učestvuju svi partneri u skladu sa njihovim mogućnostima i resursima kojima raspolažu.

Nivo doprinosa u sprovođenju plana ne mora biti jednak, a što zavisi od prirode problema i nivoa stručnosti potrebnog za njegovo rješavanje.

U ovoj fazi bitno je učešće svih partnera i postojanje volje da se problem riješi.

4. ZAJEDNIČKO NADGLEDANJE I OCJENA SPROVEDENOG AKCIONOG PLANA

Ova faza partnerskog djelovanja podrazumijeva mehanizme kojima će se zajednički nadgledati sprovođenje akcionog plana. Sprovođenje akcionog plana nadgleda tijelo (komisija), koje čine predstavnici svih partnera. Njihov zadatak je da izvještavaju partnere o toku implementacije akcionog plana i daju ocjenu za urađene poslove. Nakon realizacije akcionog plana, pripremaju izvještaj za javnost, kao i načine povratne informacije (anketiranje, intervju itd).

III Područja u lokalnoj upravi i javnim poslovima u kojima je moguće partnerstvo između građana i Općine Novo Sarajevo

Partnerstvo između građana i Općine Novo Sarajevo u realizaciji zajedničkih projekata može se realizovati u slijedećim oblastima:

1. Oblast društvenih djelatnosti

- zdravstvena zaštita,
- socijalna zaštita,
- školstvo,
- NVO sektor,
- omladinsko organizovanje,
- kultura,
- sport.

2. Oblast stambeno – komunalnih poslova

- objekti infrastrukture (izgradnja i rekonstrukcija puteva i ulica, javna rasvjeta, vodovodna, kanalizaciona i elektroenergetska mreža itd.),
- ekologija i zaštita životne sredine.

3. Oblast prostornog planiranja

- planiranje i uređenje prostora,
- kandidovanje planske dokumentacije i njihovo učestvovanje u finansiranju.

4 Oblast privrednih djelatnosti

- podsticaj lokalnom ekonomskom razvoju.

5. Oblast odjeljenja za opću upravu

- partnerski odnosi koji se odnose na administrativne procedure (koje Zakon nije ograničio).

6. Oblast civilne zaštite

- protivpožarna zaštita.

IV Kriteriji za izbor područja partnerstva

Kriteriji za izbor projekata koji će se realizovati u partnerskim odnosima sa građanima su:

- projekti čija realizacija doprinosi razvoju lokalne zajednice,
- projekti čija realizacija doprinosi ostvarivanju strateških razvojnih ciljeva,
- projekti čija realizacija zadovoljava potrebe zajednice ili građanskih grupa.

Prilikom planiranja budžeta, Općina Novo Sarajevo će planirati sredstva za realizaciju projekata u partnerskim odnosima.

TIJELO ZADUŽENO ZA PARTNERSTVO

Tijelo zaduženo za partnerstvo sa građanima je Komisija za strateško planiranje razvoja općine, koje bi obavljalo koordinaciju i praćenje projekata koji se realizuju u partnerskom odnosu.

U zavisnosti od oblasti obuhvaćenih projektima, angažovaće se stručni saradnici koji mogu dati kvalitetan doprinos u njihovoj realizaciji.

Radno tijelo će imati obavezu da prati i izvještava Općinsko vijeće i načelnika Općine o projektima koji se realizuju u partnerstvu sa građanima.

Doprinosi i rezultati partnerskih odnosa

U realizaciji projekata u partnerskom odnosu Općine Novo Sarajevo i građana, svaka strana ulaže svoje resurse i dobija pozitivne rezultate.

Doprinosi civilnog društva, odnosno građana u realizaciji projekata su:

- stručnost, znanje i iskustvo,
- rad,
- ideje,
- legitimnost,
- kontakt i iskustvo u radu sa zajednicom.

Pozitivni rezultati koje građani ostvaruju u realizaciji projekata u partnerskom odnosu su:

- povećana podrška lokalne zajednice,
- poboljšani kapaciteti, znanje i ljudski resursi,
- ostvareni ciljevi.

Doprinosi lokalne vlasti u realizaciji projekata su:

- finansijski, logistički i operativni resursi,
- tehnička podrška.

Pozitivni rezultati koje lokalna vlast ostvaruje u realizaciji projekata u partnerskom odnosu su:

- poboljšana javnost rada i odgovornost,
- povećan kredibilitet, efikasnost i efektivnost,
- ostvareni ciljevi.

Broj 01-02-368/08
Sarajevo, 29.5.2008. godine

PREDSJEDAVAJUĆI
OPĆINSKOG VIJEĆA NOVO SARAJEVO
Nebojša Simić

REPUBLIKA BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVO SARAJEVO

Broj : _____
Sarajevo,

AKCIONI PLAN

PROJEKAT : _____

Redni broj	Aktivnosti	Nosioci aktivnosti	Rokovi za realizaciju projekta

Odgovornost za realizaciju projekta :

Ispred Općine : _____

Ispred predstavnika građana /udruženja / NVO _____

Ispred ostalih : _____